



Jarida la

SIHA NA MAENDELEO


UTAWALA BORA

www.sihadc.go.tz

Mwezi Aprili - Mei 2023

Toleo la 1

Halmashauri ya Siha



Haliuzwi



Dkt. Mollel Naibu Waziri wa Afya na Mbunge wa Jimbo la Siha akitembelea Hospital ya Magonjwa ambukizi Kibong'oto tarehe 20/4/2023

Dkt.Mollel apongeza huduma bora Hospital ya Magonjwa ambukizi Kibong'oto

Naibu Waziri wa Afya na Mbunge wa Jimbo la Siha Mhe.Dkt.Godwin Mollel ametembelea na kufurahishwa na huduma bora zinazotolewa na Hospitali ya Taifa ya Magonjwa ambukizi Kibong'oto.

Pongezi hizo amezitoa hivi karibuni alipofika Hospitalini hapo na kujionea jinsi Hospital hiyo ilivyoboresha miundombinu ya majengo kwa kutumia mapato ya ndani ya Hospitali.

“Kweli nimefurahi sana kwa huduma bora mnazozitoa hapa pamoja na matumizi bora ya fedha za mapato ya Hospitali mnavyotumia vizuri katika uboreshaji wa miundombinu” alisema na kuongeza Dkt. Mollel.

Alieleza kuwa Serikali ya Rais Samia imejenga Maabara ya Kisasa pamoja na kuweka vifaa vya kisasa katika maabara hiyo kubwa hapa Tanzania yenye

thamani ya zaidi ya shilingi Biloni 22.

Mkurugenzi wa Hospitali ya Magonjwa ambukizi Kibongoto Daktari Leonard Subi alisema kuwa Maabara iliyojengwa ni maabara ya kisasa na kubwa hapa Nchini itakayokuwa na uwezo wa kufanya uchunguzi wa magonjwa mbalimbali hapa dunia.



Dkt. Mollel Naibu Waziri wa Afya na Mbunge wa Jimbo la Siha (kulia) akiwa na Ndugu Penddo Mangali (kushoto) Mkurugenzi Mtendaji Halmashauri ya Wilaya ya Siha mara baada ya kuweka jiwe la msingi

Munge wafurahia ujenzi wa shule mpya ya Msingi

Wananchi wa Kijiji cha Munge Kata ya Donyomurwa Wilaya ya Siha wamemshukuru Dkt. Godwin Mollel Naibu Waziri wa Afya na Mbunge wa Jimbo la Siha kwa kujenga shule mpya ya Msingi katika Kijiji cha Munge.

Shukurani za Wananchi zimetolewa na Diwani wa Kata ya Donyomurwa Mhe. Nsonuu Lwite Ndossi shuleni hapo tarehe 20/04/2023 wakati Mhe.Dkt. Mollel alipofika kuweka jiwe la

msingi la shule hiyo iliyojengwa na Serikali na kukamilika.

Kabla ya kuweka jiwe la Msingi Mkurugenzi Mtendaji wa Halmashauri ya Wilaya ya Siha ndugu Pendo Mangali alitoa taarifa na kueleza kuwa shule hiyo imejengwa kwa gharama ya shilingi milioni 250 fedha kutoka Serikali ya awamu ya Sita na jumla ya madarasa 9, matundu 30 ya vyoo na ofisi za walimu 3 yamekamilika.

Alieleza kuwa kujengwa kwa shule hiyo kumesaidia kupunguza watoto kutembea umbali mrefu wa zaidi ya kilomita 7 kwenda kusoma katika shule za vijiji vya jirani.

Akiweka jiwe la Msingi katika shule hiyo Mhe. Dkt.Mollel amesema kuwa ataendelea kuwatumikia kwa moyo wananchi wa Kata hiyo na Wilaya ya Siha kwa ujumla.



Mkuu wa Wilaya ya Siha Mhe. Dkt. Christopher Timbuka (kushoto) akishiriki zoezi la kupanda miti tarehe 24 Aprili, 2023 katika eneo la Polisi Sanya Juu

WILAYA YA SIHA KUPANDA MITI MILIONI 1.5 KILA MWAKA

Wilaya ya Siha Mkoa wa Kilimanjaro imeweka mpango wa kupanda miti zaidi ya Milioni 1.5 kila mwaka kwa lengo la kutunza na kuhifadhi mazingira.

Kauli hiyo imetolewa hivi karibuni na Mkuu wa Wilaya ya Siha Mhe. Dkt. Christopher Timbuka wakati akishiriki zoezi la kupanda miti kwa kushirikiana na Wananchi pamoja na Watumishi wa Umma katika Kata za Sanya Juu na Gararagua.

Katika zoezi hilo Mkuu wa Wilaya ya Siha ametoa wito kwa kila mwananchi kuhakikisha kuwa anapanda miti katika eneo lake analoishi na Taasisi zote za Umma na binafsi zikiwemo shule, Makanisa, Misikiti, mashamba, makubwa, vyama vya ushirika kuhakikisha kuwa maeneo yao miti inapandwa na kutunzwa.

“Hata kama wewe unakaa katika nyumba ya kupanga pamoja na wale wanaofanya

kumbukumbu ya siku ya kuzaliwa hakikisheni kuwa mnapanda miti kama ishara ya kumbukumbu muhimu” alisema Dkt. Timbuka Mkuu wa Wilaya ya Siha.

Pia Mkuu wa Wilaya ametoa wito kwa Viongozi wote kuanzia ngazi ya Wilaya hadi Kitongoji wahakikishe kuwa miti inayopandwa inatunzwa kwa kumwagiliwa maji wakati wa ukame na kuzuia mifugo isiharibu miti hiyo.



Mhe.Duncan Urassa Mwenyekiti wa Halmashauri ya Wilaya ya Siha akishiriki zoezi la kupanda miti katika Wilaya ya Siha ili kuboresha na kutunza mazingira



Mkurugenzi Mtendaji Halmashauri ya Wilaya ya Siha ndugu Pendo Mangali akipanda miti hivi karibuni katika Kata ya Sanya Juu Tarafa ya Siha kati



Mhe. Dkt. Christopher Timbuka Mkuu wa Wilaya ya Siha Mkoa wa Kilimanjaro akiwa Redio Boma FM tarehe 25 Aprili, 2023 akielezea mafanikio ya Wilaya ya Siha katika kipindi cha miaka 59 ya Muungano wa Tanganyika na Zanzibar.



Diwani wa Kata ya Livishi Mhe. Lucas Nkini (kulia) akiwa na **Diwani wa Kata ya Kirua Mhe. Samwel Mmari (kushoto)** wakiwa katika kituo cha Redio Boma FM tarehe 19 Aprili, 2023 na kuelezea mafanikio ya Kata zao katika kipindi cha miaka 2 ya Uongozi wa Rais Samia Suluhu

Mkurungenzi Mtendaji wa Halmashauri ya Wilaya ya Siha 5-BR Elerai- Sanya Juu S.L.P 129,25482 siha Simu Na +027-2970677, Nukushi +027-2970677 Barua Pepe: ded@sihadc.go.tz, Tovuti: www.sihadc.go.tz



Bodi ya Afya Hospitali ya Wilaya ya Siha na Kamati ya huduma za Afya Wilaya ya Siha wakiwa katika picha ya pamoja na Mkuu wa Wilaya ya Siha Mhe Dkt. Christopher Timbuka (katikati mbele) kushoto kwa Mkuu wa Wilaya ni Ndugu Pendo Mangali Mkurugenzi Mtendaji Halmashauri ya Wilaya ya Siha



Mkuu wa Wilaya ya Siha **Mhe.Dkt. Christopher Timbuka** akiangalia uharibifu uliosababishwa na maji ya mvua kubwa iliyonyesha na kuharibu daraja Kijiji cha Sinai kata ya Ormelili tarehe 25 Aprili,2023



Mwenyekiti wa Halmashauri ya Wilaya ya Siha **Mhe. Duncan Urassa** (aliyevaa shuka) tarehe 04 Mei,2023 akiwaongoza Wajumbe wa Kamati ya Fedha Uongozi na Mipango pamoja na Wataalam wa Halmashauri ya Wilaya ya Siha katika kukagua maendeleo ya ujenzi katika Hospitali ya Wilaya ya Siha



Kamati ya Fedha Uongozi na Mipango Halmashauri ya Wilaya ya Siha ikiongozwa na Mwenyekiti wa Halmashauri **Mhe. Duncan Urassa** tarehe 4/5/2023 watembelea kikundi cha Wanawake Changamkeni kilichopo kijiji cha Fuka Kata ya Kirua na kujionea shughuli za uzalishaji ikiwemo Sabuni,ufugaji wa kuku ,mapambo na mapishi



Wananchi wa Kijiji cha Matadi Kata ya Ndumeti wajitokeza kwa wingi kuchangia damu katika maadhimisho ya siku ya familia duniani tarehe 15/5/2023 ambapo katika Wilaya ya Siha yalifanyika Kata ya Ndumeti



Mhe. Duncan Urassa (kushoto) Mwenyekiti wa Halmashauri ya Wilaya ya Siha akiwa na Pendo Mangali (kulia) Mkurugenzi Mtendaji Halmashauri ya Siha tarehe 17/5/2023 katika Mkutano wa Kawaida wa Baraza la Madiwani kipindi cha robo ya tatu ya mwaka wa fedha 2022/2023




Wah. Madiwani Halmashauri ya Wilaya ya Siha wakiwa katika Mkutano wa Baraza la Madiwani tarehe 17/5/2023

Halmashauri ya Wilaya ya Siha hivi karibuni imepokea vitabu 6,119 vya masomo mbalimbali kutoka Taasisi ya elimu Tanzania kwa ajili ya kuboresha elimu katika shule za sekondari za Serikali



Pichani ni Wakuu wa Shule za Sekondari za Serikali katika Halmashauri ya Wilaya ya Siha wakiwa na Afisa Elimu Sekondari mwalimu Naomi Swai (wa tatu kushoto) wakipokea shehena kubwa ya vitabu vilivyotolewa na Serikali ya Tanzania



**JARIDA MTANDAO LA HALMASHAURI YA WILAYA
YA SIHA LIMEANDALIWA NA KITENGO CHA
MAWASILIANO SERIKALINI**

**Mkurugenzi Mtendaji wa Halmashauri ya Wilaya ya Siha
5-BR Elerai- Sanya Juu S.L.P 129,25482 siha
Simu Na +027-2970677, Nukushi +027-2970677
Barua Pepe: ded@sihadc.go.tz, Tovuti: www.sihadc.go.tz**

Tunapatikana

